

Broj: 01-37-3586/16
Sarajevo, 06.06.2016.g.

Federalni ministar zdravstva na osnovu Pravilnika o specijalizacijama i subspecijalizacijama doktora medicine, doktora stomatologije, magistara farmacije i inženjera medicinske biokemije („Službene novine Federacije BiH“, broj 62/15), a saglasno članu 56. stav 2. Zakona o organizaciji organa uprave u Federaciji Bosne i Hercegovine («Službene novine Federacije BiH» broj 35/05) d o n o s i

R J E Š E N J E
O VISINI NAKNADE TROŠKOVA ZA RAD GLAVNOG MENTORA I KOMENTORA
KOD OBAVLJANJA SPECIJALIZANTSKOG, ODNOSNO
SUBSPECIJALIZANTSKOG STAŽA

1. Naknada za rad glavnog mentora i komentora u toku obavljanja specijalizantskog, odnosno subspecijalizantskog staža utvrđuje se u visini od 20% od prosječne neto plaće u Federaciji BiH na mjesečnom nivou.
2. Za obračun naknade iz tačke 1. ovog rješenja, koristi se zadnji objavljeni podatak o visini prosječne neto plaće u Federaciji BiH.
3. Troškove obavljanja specijalizacije/subspecijalizacije u pogledu naknade za rad glavnog mentora i komentora snosi zdravstvena ustanova, odnosno pravno lice koje je podnositelj zahtjeva za odobrenje specijalizacije/subspecijalizacije.
4. Podnositelj zahtjeva za specijalizaciju/subspecijalizaciju transferira sredstva na ime troškova iz tačke 1. ovog rješenja ustanovi u kojoj se obavlja specijalizantski /subspecijalizantski staž, a koja je dužna izvršiti uplatu naknade za rad glavnom mentoru i komentoru za svakog pojedinog specijalizanta/subspecijalizanta.
5. Ovo rješenje stupa na snagu danom potpisivanja.

O b r a z l o ž e n j e

Članom 32. Pravilnika o specijalizacijama i subspecijalizacijama doktora medicine, doktora stomatologije, magistara farmacije i inženjera medicinske biokemije („Službene novine Federacije BiH“, broj 62/15) definirano je da se visina naknade za rad glavnog mentora i komentora utvrđuje posebnim rješenjem ministra

U skladu sa navedenim, rješeno je kao u dispozitivu ovog rješenja.

Protiv ovog rješenja može se izjaviti prigovor federalnom ministru zdravstva u roku od osam dana od prijema istog.

MINISTAR

Doc. dr. Vjekoslav Mandić

